



## «Նոր ժամանակի կրթություն» ՀԿ

ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ  
ԴԱՍԸՆԹԱՑ

ԱՎԱՐՏԱԿԱՆ ՀԵՏԱԶՈՏԱԿԱՆ  
ԱՇԽԱՏԱՆՔ

*Հետազոտության թեման՝ Էպոսի դերը հայրենասիրության  
և ազգային արժեհամակարգի ձևավորման գործում*

*Առարկան՝ Հայոց լեզու և գրականություն*

*Հետազոտող ուսուցիչ՝ Մարգարյան Սոնա*

*Ուսումնական հաստատություն՝ Նոր Կյուրիինի միջնակարգ  
դպրոց*

*Երևան 2022թ.*

# Բովանդակություն

|  |       |
|--|-------|
| Բովանդակություն-----   | 2     |
| Ներածություն-----  | 3     |
| Նպատակը-----   | 4     |
| Ի՞նչ է էպոսը-----  | 4     |
| Ո՞րն է մեր ազգային էպոսը-----  | 5-8   |
| Մասնա ծոեր (համառոտ)-----  | 9-11  |
| Արդյո՞ք էպոսի միջոցով կարող ենք աշակերտների մեջ ձևավորել<br>հայրենասիրություն----- | 12-13 |
| Ինչպե՞ս կարող ենք էպոսի միջոցով ձևավորել ազգային արժեհա-<br>մակարգ-----            | 14-15 |
| Որքանո՞վ է արդիական մեր էպոսի գաղափարախոսությունը---                               | 15    |
| Եզրակացություն-----  | 16    |
| Գրականություն-----   | 17    |

## *Ներածություն*

Մեր երկրում աշակերտների արժեքային համակարգի ձևավորումը ներառված է ՀՀ պետական չափորոշչում՝ որպես հենց կրթության բովանդակային բաղադրիչ: Յուրաքանչյուր ուսումնական առարկայի մասով սովորողների պատրաստվածությունը ներկայացվող գիտելիքային պահանջների մեջ առանձին կետով նաև նշվում են արժեքները և դրանց ձևավորումը, որոնք պետք է տա դպրոցը: Այսօր աճող սերնդի դաստիարակության գործն ընթանում է տարբեր հանգամանքների ազդեցության ներքո՝ ժողովրդագրական, ազգային մշակութային, ընտանեկան, կրթական, հասարակական, սոցիալական և այլն: Հաշվի առնելով բազմաթիվ այս և այլ հանգամանքներ՝ ժամանակակից մանկավարժության համար խնդիր է դառնում սովորողների ազգային 2 գիտակցության ձևավորումը սեփական ժողովրդի պատմության ու մշակույթի հենքի վրա՝ չանտեսելով համամարդկային արժեքները: Նոր սերնդի արժեհամակարգի ձևավորման, կրթության և դաստիարակության գործում լուրջ անելիքներ ունի հայ դպրոցը, որի գերնպատակն է կերտել բարոյական, ազգային արժեքներով օժտված, ազգային նկարագիր ունեցող սերունդ: Էպոսի ուսուցումը և յուրացումը եղել են և մնում են հայ դպրոցի հայոց լեզվի և գրականության ուսուցչի հիմնական խնդիրներից մեկը: Ժամանակակից մանկավարժության նպատակն է դաստիարակել, կերտել քննադատական միտք ունեցող, ինքնուրույն, ինքնակրթությամբ մշտական զարգացումը կարևորող, բարձր պատասխանատվությամբ հասարակության անդամ, անհատ, որը կկարողանա համարձակ ընդառաջ գնալ այն բոլոր մարտահրավերներին, որոնք ընթացող ժամանակը մշտապես դնելու է իր, իր հայրենիքի և աշխարհի առջև:

Քանի որ մեր հետազոտության թեման էպոսին է վերաբերում, ուստի նյութի ներածությունն սկսել եմ Հովհաննես Թումանյանի խոսքերով. **«Ոչ մի բանի մեջ ժողովուրդներն այնքան պարզ ու պայծառ չեն երևում, որքան Էպոսում»:** Եվ երբ որ արդեն խոսք է գնում մեր Էպոսի՝ «Սասնա ծռերի» դերի մասին, մեջբերել եմ այս անգամ արդեն մեր մեծն պոետի մեկ այլ խոսք. **«Մեր Էպոսը հայ ցեղի ապրած կյանքի և**

*հոգեկան կարողությունների հոյակապ գանձարանն ու իր մեծության անհերքելի վկայությունն է աշխարհի առջև»:*

**Նպատակը**---Այս թեմայի հետազոտության նպատակն է ուսումնասիրել և ներկայացնել էպոսում արտահայտված գաղափարները՝ մասնավորապես հայրենասիրությունը և ազգային արժեհամակարգը: Ուստի այս նպատակից էլ բխել է 3 խնդիր.

- 1. Արդյո՞ք էպոսի միջոցով կարող ենք աշակերտների մեջ ձևավորել հայրենասիրություն:*
- 2. Բնչպե՞ս կարող ենք էպոսի միջոցով ձևավորել ազգային արժեհամակարգ:*
- 3. Որքանո՞վ է արդիական մեր էպոսի գաղափարախոսությունը:*

## **Ի՞նչ է էպոսը**

**Էպոս** (հին հունարեն՝ «խոսք», «ասք», «պատմություն»), գործածվում է երկու իմաստով 1. Լայն առումով գրական երեք սեռերից մեկը (էպիկական, քնարական, դրամատիկական), 2. նեղ ժանրային առումով ժողովրդական հերոսական կամ ավանդական վեպ, վիպական բանահյուսության ծավալուն և բարդ տեսակ, որը բաղադրվում է վիպական ու պատմահերոսական երկերից, ավանդություններից, գրույցներից:

**Ազգային էպոսը** էպիկական բովանդակությամբ էպիկական ժանրի բանաստեղծության կամ գրականության գործ է, որը ավանդաբար ներկայացնում կամ արտացոլում է որևէ ազգի մշակութային կամ ինքնաճանաչողական ոգին, դա կարող է վերաբերել նաև ինքնուրույնության կամ անկախության ձգտող որևէ էթնիկական կամ լեզվաբանական խմբի: Ազգային էպոսների մեջ հաճախ նկարագրվում է տվյալ ազգային էթնոսի ծագման և զարգացման պատմությունը. կամ պատմության մի մասը, կամ տվյալ ազգության ինքնորոշման կամ ինքնագիտակցման

պատմության կարևորագույն դրվագները և այլ ազգային խորհրդանշանների ծագման կամ ընդունման պատմությունը:




[Աքադիան սալիկ](#), որի վրա հատված է [Գիլգամեշի էպոսից](#)

## *Ո՞րն է մեր ազգային էպոսը*

«Մասնա ծոեր» կամ «Մասունցի Դավիթ», հայ ժողովրդի ազգային էպոս կամ դյուցազնավեպ, որը ստեղծվել է ժողովրդական բանահյուսության հիման վրա: Վիպասացների և բանահավաքների կողմից այն կոչվել է նաև «Մասնա փահլաններ», «Մասնա տուն», «Ջոջանց տուն», «Մասունցի Դավիթ կամ Մհերի դուռ», «Դավիթ և Մհեր», «Դավթի պատմություն», «Դավթի հեքիաթ» և այլն: Էպոսի

գաղափարական ոգին հայ ժողովրդի հերոսական մաքառումն է թշնամիների դեմ՝ հանուն ժողովրդի ազատության և անկախության, հայրենիքի և պետականության պահպանման: Հայոց դյուցազնավեպը գաղափարական առումով արտացոլում է նաև իրականությունից ունեցած դժգոհությունն ու կառուցվելիք արդար աշխարհի նկատմամբ ունեցած փափագը՝ բոլոր դեպքերում գովաբանելով օտարի լծի դեմ ելած ժողովրդի հերոսական պայքարը:

Էպոսը համահավաք տարբերակով կոչվում է **«Սասնա ծռեր»**: «Ծուռ» բառն այս պարագայում ունի իմաստային մի քանի նշանակություններ՝ դիվահար, խենթավուն, խելահեղ քաջ և այլն: Տվյալ հատկանիշներից յուրաքանչյուրն էպոսի հերոսների համար բնորոշ է այս կամ այն պարագայում: **«Սասնա ծռեր»** էպոսը կառուցվածքային առումով կազմված է վիպական չորս մասերից կամ ճյուղերից, որոնցից յուրաքանչյուրը կոչվել է տվյալ ճյուղի գլխավոր հերոսի անունով՝ **«Սանասար և Բաղդասար»**, **«Մեծ Մհեր»**, **«Սասունցի Դավիթ»**, **«Փոքր Մհեր»**: Հերոսների այս չորս սերունդը միմյանց հետ կապված են ազգակցական կապերով: **«Սասնա ծռերի»** ամենաբնորոշ գիծը հերոսական անպարտելի ոգին է՝ պայմանավորված նրա նախահիմքում ընկած առասպելական դյուցազունների սխրանքներով և հայ ժողովրդի՝ իր ոսոխների, հատկապես արաբական բռնակալության դեմ մղած դարավոր պայքարով: Էպոսի ստեղծման հստակ թվականը մեզ հայտնի չէ, քանի որ վերջինս գալիս է ժամանակի խորքից և ունի պատմական խոր ակունքներ: Էպոսի ասացողները էպոսը պատմել են հայկական տարբեր բարբառներով, մեծ մասամբ մոկաց, մշո, սասնա, ինչպես նաև արարատյան: Էպոսի պատումներից մեկը 1874թվականին գրի է առել Գարեգին Սրվանձտյանը՝ հրատարակելով **«Սասունցի Դավիթ կամ Մհերի դուռ»** վերնագրով:



1889 թվականին էպոսի մի տարբերակ գրի է առել Մանուկ Աբեղյանը, իսկ արդեն 1939 թվականին Հովսեփ Օրբելին՝ էպոսագետների խմբի հետ մեկտեղ, ստեղծում է 60 պատումներից բաղկացած համահավաք բնագիր:

Համահավաք բնագիրը թարգմանվել

է ֆրանսերեն, չինարեն, անգլերեն (թարգմանիչ՝ Լևոն Ջավեն

Մյուրմեյան), հունարեն, ռուսերեն, գերմաներեն, վրացերեն, թուրքերեն, ադրբեջաներեն և այլ լեզուներով: «Մասնա ծոերն» ամբողջական կամ մասնակի մշակել են նաև Ավետիք Իսահակյանը, Եղիշե Չարենցը, Սողոմոն Տարոնցին, Վիգեն


Խեչումյանը, Հմայակ Սիրասը, Մկրտիչ Խերանյանը, Նաիրի Ջարյանը և ուրիշներ:

Էպոսին բազմիցս անդրադարձել են կերպարվեստում (Հակոբ Կոջոյան, Երվանդ Քոչար, Մհեր Աբեղյան, Էդուարդ Իսաբեկյան, Արտաշես Հովսեփյան և ուրիշներ),

երաժշտության մեջ (Գևորգ Բուդաղյանի «Խանդուր» երաժշտական կոմպոզիցիան՝ ըստ Ալեքսանդր Սպենդիարյանի երաժշտության, Էդգար Հովհաննիսյանի «Մասունցի Դավիթ» բալետ-օպերան և այլն), կինոարվեստում («Մասնա ծոեր», ռեժիսոր՝ Արման Մանարյան, 2010 թվական, մուլտֆիլմ), թատրոնում:







«Սասնա ծռեր» էպոսն ընդգրկված է Հայաստանի Հանրապետության ոչ նյութական մշակութային ժառանգության արժեքների ցանկում: Ոչ նյութական մշակութային ժառանգության պաշտպանության կոնվենցիայի Միջկառավարական կոմիտեի 7-րդ նստաշրջանը 2012 թվականի դեկտեմբերի 5-ին «Սասնա ծռեր կամ Սասունցի Գավիթ էպոսի կատարողական դրսևորումները» հայտն ընդգրկել է ՅՈՒՆԵՍԿՕ-ի մարդկության ոչ նյութական մշակութային ժառանգության ներկայացուցչական ցանկում:



# Մասնա ծոեր (համառոտ)



«Մասնա ծոեր» էպոսն ունի 4 մաս կամ ճյուղ, որոնցից յուրաքանչյուրը կոչվում է հերոսներից մեկի սերնդի անունով՝ «Մանասար և Բաղդասար», «Մեծ Մհեր», «Սասունցի Դավիթ» և «Փոքր Մհեր»:

«Մանասար և Բաղդասար» ճյուղը պատմում է առաջին սերնդի մասին: Հայոց Գագիկ թագավորը հարկատու է Բաղդադի կռապաշտ խալիֆին: Վերջինս, լսած լինելով Գագիկի արքայադստեր՝ Ծովինարի գեղեցկության մասին, ուզում է նրան կնության վերցնել, սակայն մերժում է ստանում: Վիրավորված խալիֆն ավերում է Հայոց աշխարհը: Ծովինարը որոշում է հոժարակամ դառնալ խալիֆի կինը՝ երկիրը ավերումից փրկելու համար: Լեռներում շրջելիս նա ծարավում է և Աստծուց ջուր է խնդրում: Հանկարծակի բխած Կաթնաղբյուրից Ծովինարը մի լիքը և մի կիսատ բուռ ջուր է խմում ու հղիանում: Հասնում է Բաղդադ: Որոշ ժամանակ անց ծնվում են Մանասարն ու Բաղդասարը, որոնք օրեցօր մեծանում ու հզորանում են: Խալիֆն ուզում է սպանել եղբայրներին, բայց նրանք են սպանում խալիֆին և իրենց մոր հետ փախչում են հայրենիք, հիմնում իրենց բերդը՝ Սասունը, հզորացնում ու շենացնում են այն: Մանասարն ամուսնանում է Դեղձուն–Ծամի հետ: Ունենում են 3 զավակ՝ Մհերը,

Ձենով Օհանը և Ցոան Վերգոն:

«Մեծ Մհեր» ճյուղը պատմում է, որ Սանասարին հաջորդում է որդիներից ամենաքաջը՝ Մհերը:

Այդ տարիներին Սասունը հարկատու է Մըսրա Մելիքին: Չափահաս դառնալով՝ Մհերը տիրություն է անում երկրին ու ժողովրդին: Հացի ճանապարհը փակող հսկա առյուծի երախը պատռելով՝ երկու կես է անում, որի համար նրան կոչում են Առյուծաձև Մհեր:

Այնուհետև Սպիտակ Դևից ազատում է գեղեցկուհի Արմաղանին ու ամուսնանում է նրա հետ: Մենամարտում հաղթում է Մըսրա Մելիքին և Սասունն ազատում է հարկերից, հիմնում է Մարութա Բարձրիկ Աստվածածինը, Ծովասարը դարձնում է իր որսատեղին, կառուցում է

բերդեր ու կամուրջներ: Մըսրում մեռնում է Մելիքը: Նրա կինը՝ Իսմիլ Խաթունը, խնդրում է Մհերին գալ և տեր կանգնել իր երկրին՝ գաղտնի մտադրություն ունենալով ժառանգ ունենալ նրանից:

Ծնվում է արու գավակ, որին Իսմիլ Խաթունը կոչում է Մելիք՝ մեռած ամուսնու պատվին: 7 տարի Մհերին իր մոտ է պահում է՝ արբեցնելով թունդ գինով: Ի վերջո սթափվելով և զղջալով իր սխալի

համար՝ Մհերը վերադառնում է Սասուն: Արմաղանը

դժվարությամբ ներում է նրան: Մհերը նորից շենացնում է Սասունը: Որոշ ժամանակ անց Արմաղանը ունենում է որդի, որին կոչում են Դավիթ: Երեխայի ծնվելուն պես Մհերն ու Արմաղանը մեռնում են:

«Սասունցի Դավիթ» ճյուղը պատմում է այն մասին, թե ինչպես են որբացած նորածին Դավթին ուղարկում Մըսր՝ Իսմիլ Խաթունի մոտ, որտեղ տղան մեծա -

նում է ժամ առ ժամ: Մըսրա Մելիքը փորձում է խորամանկությամբ սպանել Դավթին, բայց պատանի դյուցազնը հաղթահարում է բոլոր փորձությունները և վերադառնում է Սասուն: Ձենով Օհանը Դավթին կարգում է գառնարած,

ապա՝ նախրապան, որսորդ: Դավիթը սպանում է Սասունը

կողոպտած դևերին և երկրի ամբարները լցնում է բարիքներով,

միայնակ կոտորում է Մըսրա Մելիքի զորքին, վռնդում է նաև հարկահավաք

Կոզբաղինին: Մելիքը բազմահազար զորքով ինքն է արշավում Սասուն: Մենամարտի

ընթացքում Դավիթը սրի մեկ հարվածով երկու կես է անում խոր հորի մեջ թաքնված Մըսրա Մելիքին: Սասունն ազատագրելուց հետո Դավիթը նշանվում է Չմշկիկ Սուլթանի հետ , բայց լսելով Կապուտկողի արքայադուստր Խանդուրթի գեղեցկության մասին՝ մի շարք քաջագործություններից հետո ամուսնանում է նրա հետ: Ապա գնում է Գյուրջիստան և 7 տարի մնում այնտեղ: Խանդուրթը ծնում է արու զավակ և անունը դնում է Մհեր: Չափահաս դառնալով՝ Մհերը որոշում է գնալ և գտնել հորը: Ճանապարհին հայր ու որդի հանդիպում են և, իրար չճանաչելով, մենամարտում: Դավիթը Մհերի բազկապանից ճանաչում է որդուն և իր հետ մենամարտելու հանդգնության համար անիծում է.

**«Անմա՛հ ըլնես, անժառա՛նգ»:**

Դավիթն սպանվում է Չմշկիկ Սուլթանի աղջկա թունավոր նետից, իսկ ամուսնուն հավատարիմ Խանդուրթը ցած է նետվում բերդի գլխից:

«Փոքր Մհեր» ճյուղը պատմում է, որ Դավիթին փոխարինած Փոքր Մհերը պատերազմում է թշնամիների դեմ և հաղթում, սպանում է Չմշկիկ Սուլթանին՝ լուծելով հոր վրեժը: Ամուսնանում է գեղեցկուհի Գոհարի հետ: Սակայն հոր անեծքը կատարվում է և Մհերը մնում է անժառանգ: Մեռնում է Գոհարը: Հողն այլևս չի դիմանում Մհերի ոտքերի տակ: Սասնա վերջին քաջագունը փակվում է Ագռավաքար ժայռում՝ պատգամելով.

*Քանի աշխարք չար է,*

*Հողն էլ դալբցեր է,*

*Մեջ աշխարքին ես չեմ մնա:*

*Որ աշխարք ավերվի, մեկ էլ շինվի,*

*Երոր ցորեն էղավ քանց մասուր մի,*

*Ու գարին էղավ քանց ընկուզ մի,*

*Էն ժամանակ հրամանք կա,*

*որ էլնենք էդտեղեն:*

## **1. Արդյո՞ք էպոսի միջոցով կարող ենք աշակերտների մեջ ձևավորել**

### **հայրենասիրություն:**

Մենք գիտենք, որ մեր ազգի՝ իբրև տեսակի գոյության հիմքը հայրենասիրությունն է, ազգապահպանությունը, որոնց լավագույն դրսևորումը տեսնում ենք մեր էպոսում:

Էպոսի գաղափարական բովանդակությունն ուսումնասիրելիս խնդիր է դրվում աշակերտների մեջ դաստիարակել այն ներկայացնող հիմնական տարրերը՝ հայրենասիրություն, ազնվություն, բարձր բարոյականություն:

Հայրենասիրությունն էպոսի կերպարների համար առիթից առիթ ի հայտ եկող երևույթ չէ: Դա նրանց առօրյան է, կյանքը, որ դրսևորվում է նրանց բոլորի տարբեր արարքներում՝ օտար զավթիչների դեմ մղած կռվում, երկրի շենացմամբ և կառուցմամբ զբաղվելիս, հասարակական անարդարությունների և ապօրինությունների դեմ պայքարում, հանուն ընտանեկան ավանդույթների պահպանման գործունեության ժամանակ, նույնիսկ բարկության կամ քնարական տրամադրության պահերին:

Ժողովրդասիրության ու հայրենասիրության փայլուն օրինակ է տալիս Առյուծաձև Մհերը: Իմանալով, որ երդմնազանց լինելու դեպքում ինքն ու կինը պետք է մահանան, նա դիմում է այդ քայլին, որպեսզի իրենից հետո Սասունն անտեր ու անպաշտպան չմնա: Օտար նվաճողների դեմ հայ ժողովրդի հերոսական պայքարը, սակայն, իր ամբողջական ու փայլուն արտահայտությունն է գտել էպոսի երրորդ ճյուղում՝ Սասունցի Դավթի կերպարի միջոցով: Մտրա Մելիքն ամեն ինչ անում է Սասնա ճրագը մարելու, Սասունը հափշտակելու համար: Բայց միշտ էլ նրա դեմ դուրս է գալիս ժողովրդի սիրելի զավակը՝ Դավիթը, խափանում օտար բռնակալի բոլոր դիտավորությունները:

Քանի որ երեխաներն ամռանը կարդացել են «Սասնա ծռեր» էպոսը (այն պատումը, որն ունի 4 ճյուղերն էլ), խմբային աշխատանքների միջոցով նրանց իսկ մասնակցությամբ գտնել, պարզել, վեր հանել և ապացուցել, որ «Սասնա ծռեր» էպոսի 4 ճյուղերը գլխավորող դյուցազուններն էլ բնութագրվում են հայրենիքին ու ժողովրդին

իրենց անձնուրաց ու անմնացորդ նվիրվածությամբ, նվաճողների և բռնակալների նկատմամբ՝ անողոքությամբ:Դրա վերաբերյալ բերել օրինակներ՝ էպոսից ընթերցելով տարբեր հատվածներ: Կատարել կերպարային վերլուծություն, որի մջոցով պետք է սովորողներին ցույց տալ ,որ հայրենասիրությունն ու ժողովրդասիրությունը էպոսի ոչ միայն տղամարդ հերոսներին է բնորոշ,այլ նաև կին:Եվ այս միտքն արտահայտելուց հետո «Մտագրոհ» մեթոդով աշակերտներին հանձնարարել թվարկել էպոսի հայ կանանց կերպարները և ընթերցել այն հատվածները,որոնցում ընդգծվում է կին հերոսների հայրենասիրությունը:Եվ այդ գործընթացից հետո աշակերտները մեկ առ մեկ ներկայացնում են իրենց դատարկումները:Այսինքն՝ հայրենասիրական ոգով աշակերտներին դաստիարակելու գործընթացը չի դառնում զուտ ակադեմիական դասախոսություն ուսուցչի կողմից,այլ դրան մասնակցում են նաև աշակերտներն իրենք էլ իրենց գործնական աշխատանքներով:

Աշակերտներն ուսուցչի օգնությամբ ներկայացնում են,որ էպոսն սկսում է Օովինար անձնագոհ արարքով,երբ որոշում է ամուսնանալ բռնակալ և կռապաշտ Բաղդադի խալիֆի հետ,Դեղձուն-Օամի պատասխանատվության զգացումը,որը նրան մղում է հագնելու ամուսնու զենքն ու զրահը և պաշտպանելու Մասունը,Արմաղանի երդմնագանց լինելը և իր կյանքի գնով Մասնա տանը ժառանգ թողնելը:Այսինքն՝ էպոսում մեր ժողովուրդը հայ կնոջը վերապահել է ոչ միայն տղամարդուն հավասար իրավունքներ,այլ նաև պարտականություններ,որով ցույց է տվել,որ հայ կինն իր հայրենասիրական ոգով,ազգային արժեքների ընկալմամբ,պետականության պահպանմամբ և բարոյական արժեքների բարձր ընկալմամբ բոլորովին չի զիջում հայ տղամարդուն:

Եվ այստեղ արդեն աշակերտների ինտեգրմամբ տալիս են առաջին հարցի պատասխանը,որ եթե սովորողին ճիշտ ուղղորդմամբ դրդենք հանձնարարության կատարմանը և մասնակից դարձնենք նյութի հաղորդմանը,հարցի ուսումնասիրությանը,ապա իսկապես կկարողանանք հատկապես էպոսի միջոցով դաստիարակել և ձևավորել հայրենասիրական վեհ գաղափարներով օժտված անհատ և քաղաքացի:

## ***2.Ինչպե՞ս կարող ենք էպոսի միջոցով ձևավորել ազգային արժեհամակարգ:***

Հայրենասիրությանը զուգընթաց պետք է զարացնել աշակերտների ազգային մտածողությունը, պետականության նկատմամբ ունեցած նրանց վերաբերմունքը: Եվ դարձյալ գործնական աշխատանքների միջոցով, խմբային գործունեությամբ և տարբեր մեթոդների կիրառմամբ՝ ԳՈՒՍ, ՔԱՌԱԲԱԺԱՆ, ՎԵՆԻ ԴԻԱԳՐԱՍ, ԱՐԵՎԱԾԱՂԻԿ, սովորողներին ներկայացնել ,որ «Սասնա ծռեր» էպոսի դյուցազունները՝ չորս գլխավոր հերոսները, ներկայացնում են սեփական գոյության պահպանման և ապրելու իրավունքի հաստատման համար մղվող հազարամյակների անհավասար պայքարը՝ պահելով մեր ազգային արժեքները, որոնք ժամանակի ընթացքում փոխում են իրենց ձևը, բայց բովանդակությունը նույնն է մնում:

Մեր էպոսը մեզ է հասել անաղարտ վիճակում, առանց անցնելու անհատական ստեղծագործության բովով, որով ավելի է բարձրանում նրա արժեքը որպես բուն ժողովրդական մտածելակերպի արտահայտություն:

Սանասարն ու Բաղդասարը, հիմնադրելով Սասնա բերդը, ապահովում են ժողովրդի անվտանգությունն ու քրտնաթոր աշխատանքի անձեռնմխելիությունը: Նրանք, ինչպես նաև նրանց հետնորդները, իրենց գերմարդկային ուժն օգտագործում են ոչ թե սեփական փառք ու իշխանություն ձեռք բերելու նպատակով, այլ ի սպաս են դնում ժողովրդի բարօրությանն ու ազատ կյանքին: Բնութագրական է, որ Սանասարն ու Բաղդասարը առաջին հերթին Սասուն եկած աղքատների համար են տներ կառուցում, հետո՝ իրենց համար ամրոց: Մեծ Մհերը երկար ժամանակ սասունցիներին պահում է որսով: Դներին սպանելուց հետո Դավիթը նրանց հափշտակած ոսկին բաժանում է ժողովրդին, ինքը բավարարվում միայն մի ձիով: Իսկ երբ հայրենիքի վրա կախվում է արտաքին վտանգը, նրանք առանց հապաղման դուրս են գալիս այն վերացնելու վճռականությամբ:

Սասնա դյուցազունները պայքարում են ոչ միայն հայ ժողովրդի, այլև ընդհանրապես ժողովուրդների խաղաղ ու երջանիկ կյանքի համար: Դա խաղաղության պայքարն է պատերազմի դեմ, կառուցման պայքարը՝ ավերումի դեմ, արդարության պայքարը՝ ամեն կարգի անարդարության դեմ:



Դավիթը ազատասեր ու հայրենասեր դյուցազն է, հատկանիշներ, որոնք ոչ թե ձեռքբերովի են, այլ բնածին ու ժառանգական:

Դավթին հրապուրում է կառուցման տենդն ու խաղաղ աշխատանքը, և ամեն ինչ անում է Մելիքին հասկացնելու համար, թե «ավեր բանից ի՞նչ կը դառնա»: Բայց երբ հայրենիքի ազատության վրա սև ամպեր են կախվում, նա ասպարեզ է իջնում՝ ուժ առած բռնակալների ու կեղեքիչների նկատմամբ տաժած դարավոր աստելությունից: Հայրենիքը վտանգի մեջ է. պետք է դառնալ նրա փրկության զինվորը: Եվ Դավիթը, տեղեկանալով Մսրա Մելիքի գալստյանը, անհապաղ դուրս է գալիս թշնամու դեմ՝ ձեռքին առաջին պատահած ժանգոտ թուրը: Ճիշտ է, արտատեր պառավը անմիջապես շտկում է դրությունը. Դավիթը կռիվ է գնում հրեղեն զենք ու զրահով, հրեղեն ձիով, բայց բնութագրականն այն է, որ հայրենիքի զավակը հայրենիքի վտանգի պահին երկար մտածելու կամ պատրաստվելու անհրաժեշտության առաջ չի կանգնում: Իր գործն արդար է, ինքը պետք է հաղթի, այս համոզմունքն է ամուր նստած հերոսի ենթագիտակցության մեջ: Ամեն կարգի բռնակալներին ու կեղեքիչներին, հայրենիքի ու ժողովրդի բոլոր թշնամիներին պետք է անխնա ջնջել երկրի երեսից, այս ճշմարտության զինվորն է Դավիթը:

### ***3.Որքանո՞վ է արդիական մեր էպոսի գաղափարախոսությունը:***

Հարկ է այստեղ շեշտել, որ նկատելի է նաև այն հանգամանքը, որ կա միտում՝ մեր մեջ եղած ուժեղին թուլացնելու թե՛ էպոսում, թե՛ այսօրվա իրականության մեջ: Բայց բացահայտելով և իմանալով դրա մասին առավել քան երբևէ, պետք է հստակ ձևավորել սովորողների մեջ ազգային կուռ արժեհամակարգ:

Եվ էպոսի մեջ ամրագրված արժեքների ներկայացմամբ ցույց տալ, որ դրանք դեռևս պահպանում են իրենց կենսունակությունը:

Զուգահեռներ անցկացնել էպոսի որոշ դրվագների և 2016թ.-ի ապրիլյան և 2020թ.-ի 44-օրյա պատերազմների միջև:

**Եզրակացություն**

Հակադրվելով ժամանակի տիրող մտայնությանը՝ ժողովուրդը առաջ էր քաշում պայքարի միջոցով ազատ ու երջանիկ կյանք ստեղծելու տեսակետը, մարդուն ամուր կապում երկրային կյանքին, լիցքավորում իրականության շահախնդրություններով:

Ուստի պետք է հետևություն անել, որ այսօր ինչ կատարվում է, էպոսի մեջ դրա հիմքը կա՝ ուժի տեսակետից, երդմանը հավատարիմ մնալու տեսակետից և այլն:

Էպոսի գաղափարական բովանդակությունը մեզ ուսուցանում է ունենալ ոչ միայն տարածքային-նյութական ընկալում, այլև հոգևոր:

Պատահական չէ, որ 1964թ. աշխարհի վիպերգերի միջազգային մրցույթում «Սասնա ծռերը» ճանաչվել է լավագույնը:



## *Գրականություն*

1. Մ. Աբեղյան, Երկեր հ.1, Երևան, 1966թ.
2. Է. Ջրբաշյան, Գրականության տեսություն 4-րդ հատոր, Երևան, 1972թ.
3. Գրականություն, 9-10-րդ դասարաններ, Երևան, 2018թ.
4. Համացանց